



Brenda Fassie, Muimbi wa Bvumo wa Afrika wa Muzika wa *Pop*

Sara Mohale
Khanyisa Masemola



Nga la 3 Lara 1964, lokishini la Langa, ngei Cape Town, ho bebwa muimbi wa bvumo. O vha a tshi pfi Brenda Nokuzola Fassie.

O vha a tshi vhidzwa nga dzina la miswaswo ya *MaBrrr* nga vhatevheli vhawe vha dzimilioni.


O vha a tshi bva mutani wa vhashai. Mme awe vho vha vhe mukunakisi, ngeno khotsi awe vho lovha e na minwaha mivhili fhedzi.



Brenda o vha e lupedzi lwa vhana vha ṱahe. Mme awe vho humbula uri vha ḡo wana ṛwana wa mutukana.


Musi Brenda a tshi bebwa, vho vha vho tea u humbula nga u ṱavhanya dzina ḽa ṛwana wa musidzana.

Sa muimbi, mme a Brenda vho nanga u rina ṛwana wavho dzina ḽa Brenda Lee ane a vha muimbi wa Muamerika.



Musi e na minwaha mina, Brenda o vha a tshi imba maguvhanganoni a kereke. Mme awe vho vha vha tshi lidza piano nahone Brenda a imba.

Musi e na minwaha ya rathi, Brenda o vha a tshi vho imba na tshigwada tshi vhidzwaho *Tiny Tots*, a tshi imba na u badelwa nga vhaendelamashango.



Musi e miñwahani ya vhufumi, ho vha hu tshi bvuma ene fhedzi kha vhaimbi vha Cape Town.

Mubveledzi wa bvumo wa muzika, Koloï Lebona o ya a mu dalela. O vha o funesa ipfi ɭawe ɭavhudi.

Nga murahu Brenda a pfulutshela Johannesburg, nahone nga u ɭavhanya a thoma tshigwada, *Brenda and the Big Dudes*.



Tshenetsho tshigwada tsho bvisa luimbo lwe lwa rengiwa vhukuma fhanu Afrika Tshipembe, *Weekend Special*.


Vhatevheli vhawe shangoni lothe, vharema na vhatshena, vhatuku na vhahulwane, vho vhonwa vha tshi khou lu dzaivela.

Lwonolwo luimbo lwo vha lu tshi takalelwa nga vhathu vhanzhi, zwiuhuluhulu u bva nga Lavhutani u swika nga Swondaha!



Nga 1998, Brenda o shumisana na Chicco Twala ane a vha mubveledzi wa muzika. Vho bveledza rekhodo dze dza rengisa khophi dza zwigidigidi. Dziñwe dza rekhodo dze dza rengiseswa ndi *Too late for Mama*, *Memeza*, na *Nomakanjani*.


U bvelela hawe zwo ita uri a wane zwiphuga fhano Afrika Tshipembe na seli ha malwanzhe. Zwino Ma Brr o vha o no bvuma u mona na shango lothe!



Fhano Afrika tshipembe, Brenda o vha o bvuma lwe ha vha hu si na munyanya une khawo ha si lidzwe naho hu luimbo luthihi fhedzi lwawe.

Vulindlela lwo vha lu tshi lidzwa minyanyani ya mbingano.

Ag shame lovey, lwo vha lu tshi funeswa nga vhana vhane vha edzisa kutshinele kwawe na maitele awe.



Vhatevheli vha Brenda vho vha vha tshi vhidzelela dzina lawe dzikhonsathini musi vho lindela uri a dzhene tshiteidzhini.

Musi a tshi imba, vhatevheli vho vha vha tshi imba nae na u lila nga tshifhinga tshithihi. U pfa ipfi lawe zwo vha ita uri vha sukumedze vhalindi vha tshi tama fhedzi u mu fara!



Nga 1990, MaBrrr o ṭhonifha Vho-Nelson Mandela nga u vha imbela luimbo lwa bvumo *Black President*.

Vho vha vha tshee vho valelwa dzhele nahone nga murahu muvhuso wa tshiṭalula wa thivhela u lidzwa ha lwonolwo luimbo.

Zwenezwi zwo ita uri a imbe nga Tshizulu, Tshithosa na Tshisuthu. Zwenezwo zwa ita uri vhathu vha mu funese.



Naho Brenda o khunyeledza mułoro wawe wa u vha muimbi wa bvumo wa *pop*, o lovha a tshee muțuku, e na miñwaha ya 39, nga ła 9 Shundunthule, 2004.

Ło vha ɖuvha ɭi ɭungufhadzaho vhukuma fhana Afrika Tshipembe. Vhathu vho tshuswa nga mafhungo a u lovha hawe. Vhanzhi vho lilela u lovha ha hoyu muimbimakone.

O sia murwa wawe, Bongani.



Nga murahu ha lufu lwawe, gogo la vhatevheli vhawe lo gidimela mavhengeleni u renga muzika wawe.

Vhatevheli vho vha vha tshi tenda uri muzika wawe u nga si tsha wanala.

Zwi vhonele u nga khamphani yo rengisa zwigidi na zwigidi zwa alibamu dzawe.



Ngei Newtown, Johannesburg, hu na tshifanyiso tsha koporo tsha Brenda tsho vhaḡiwaho. Tsho vhaḡelwa u mu ṭhonifha.

Tsini na tshifanyiso hu na tshidulo tshine vhathu vha nga dzula khatsho, uri vha ṭwe na Muimbi wa Bvumo wa Afurika wa Muzika wa *Pop*.



Brenda o vha e muimbi wa bvumo wa muzika ane a sa
ḑo hangwiwa.

Ndi muṅwe wa vhaimbi vhahulwane vha Afurika
Tshipembe vha muzika wa *pop* nahone o ṭuṭuwedza
vhaimbi vhanzhi.

Zwino, mirafho miswa i khou tumbula nyimbo dze dza
vha dzi tshi ita uri vhatu vhoṭhe vha ṭoṭe u tshina.

—Mbudziso

1. Brenda o bebelwa ngafhi?
2. Ni humbula uri ndi ngani vho vhidza tshigwada *Tiny Tots*?
3. Muzika wa Brenda wo vha u tshi ita uri vhatevheli vhawe vha dipfe hani? Talutshedzani phindulo yaṅu.
4. Muvhuso wa tshiṭalula wo vha u mini? Wanani zwo engedzeaho.
5. Olani nahone ni ṛwale tshipiḽa tshine na tshi funesa tsha nganea.
6. Sikani tshirendo tsha mitaladzi miraru u itela u humbula Brenda.
7. Ndi vhaimbi vhafhio vha Vharema vhe na pfa ngavho?
8. Ṭalusani ṅdila ṭhanu naho dzi dzifhio dzine muzika wa nga shumiswa ngadzo.

Heyi bugu ya nganea yo sikwa na u nwalwa
nga Lupedi sa tshipiḽa tsha phurodzhekthe ya
matheriaḽa dza u vhala ya Zenex Ulwazi Lwethu
ya 2021.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Brenda Fassie, Muimbi wa Bvumo wa Afrika wa Muzika wa Pop

Author/s: Sara Mohale

Translator/s: Doris Manyamalala

Illustrator/s: Khanyisa Masemola

Assurer/s: Tshedza Tlhako

Language: Tshivenda



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

